



Biblioteca Universitaria

Estanto 24

Tabla 4

Número 8261

3.302

VRBANI VIII.

PONTIFICIS OPTIMI MAXIMI DECRETA

Seruanda in Canonizatione, & Beatificatione
Sanctorum.

Accedunt Instructiones, & Declarationes

quas

^{MI}EM. ET ^{MI}REV. S. R. E. CARDINALES

*Præsulesque Romanæ Curiae ad id muneris con-
gregati ex eiusdem Summi Pontificis
mandato condiderunt.*

*De la libreria
del Coll. de S. Ambro-
sio de Valladolid,*



*Comprose della Sora
gia del P. Luis de la
Puente,*

R O M A E,
Ex Typographia Reu. Cam. Apost. MDCXLII.

VRBANI VIII

MAXIMI

PONTIFICI

*Es de la Biblioteca
de la Real Uni-
versidad de Va-
lladolid.*

DI

seruanda in

Sanctorum

Accedunt Instructiones & Declarationes

quas

M

MI

EM ET REV. S. R. E. CARDINALES

Professores

Magistri

scholarum



[Faint handwritten notes in the right margin]

MDCCXII R O M A E Ex Typographia Reu. Cam. Apof.

I

Instructiones, Declarationes, &
Decreta seruanda in Cano-
nizatione, & Beatifica-
tione Sanctorum.



AD tollendos abusus, qui irreple-
rant, & in dies irrepere non ces-
sabant in colendis quibusdam
cum Sanctitatis, aut Martyrij fa-
ma, vel opinione defunctis, an-
tequam ab Apostolica Sede Ca-
nonizationis, aut Beatificationis honore insigniti
fuerint, Sanctissimus D. N. VRBANVS Diuina
Prouidentia Papa VIII. de consilio Congregatio-
nis Sanctissime Inquisitionis sub diebus 13. Martij
& 2 Octobris 1625. edidit Decreta pro quorum
declaratione, & omnimoda obseruantia de simili
eiusdem Congregationis consilio promulgauit
alia Decreta, de quibus in Breui expedito sub A-
nulo Piscatoris die 5. Iulij 1634.

A

De-

Decreta S.^{mæ} Inquisitionis edita sub die-
bus 13. Martij, & 2. Octobris 1625.

CV M Sanctiss. in Christo Pater, & D. N. D.
URBANVS Diuina Prouidentia Papa VIII.
die 13. Martij 1625. Decretum ediderit infrascripti
tenoris, videlicet.

Sanctiss. D. N. sollicitè animaduertens abusus, qui
irrepsērunt, & quotidie irrepere non cessant in colendis
quibusdam cum sanctitatis, aut martyrij fama, vel
opinione defunctis, qui, & si neque Canonizationis,
neque Beatificationis honore insigniti sint ab Apostolica
Sede, eorum tamen Imagines in Oratorijs, atque Eccle-
sijs, alijsque locis publicis, ac etiam priuatis, cum lau-
reolis, aut radijs, seu splendoribus proponuntur, mi-
racula, & reuelationes, aliaque beneficia à Deo per eo-
rum intercessionem accepta, in libris rerum ab ipsis gesta-
rum enarrantur, & ad illorum sepulchra, Tabele,
Imagines, & res aliæ ad beneficia accepta testificanda,
& lampades, & alia lumina apponuntur. Volensque
proinde huiusmodi abusibus pro debito officij pastoralis
occurrere, re etiam cum Illustriss. & Reuerendiss. DD.
Cardinalibus contra hereticam prauitatem in Uniuer-
sa Republica Christiana Generalibus Inquisitoribus;
communicata, & maturè considerata, ac discussa, de-
clarauit, statuit, & decreuit, ne quorumuis hominum,
cum sanctitatis, seu martyrij fama (quantacunque
illa

3

illa sit) defunctorum Imagines, aliaque predicta, & quodcunque aliud, venerationem, & cultum praesefrens, & indicans, in Oratorijs, aut locis publicis, seu privatis, vel Ecclesijs tam secularibus, quam regularibus cuiuscunque Religionis, Ordinis, Instituti, Congregationis, aut Societatis apponantur, antequam ab Apostolica Sede canonizentur, aut Beati declarentur, & (si quae appositae sunt) amoveantur, prout eas statim amoveri mandavit.

Ac pariter imprimi de cetero inhibuit libros, eorundem hominum, qui sanctitatis, siue martyrij fama, vel opinione (v. praefertur) celebres è vita migraverint, gesta, miracula, vel revelationes, seu quaecunque beneficia tanquam eorum intercessionibus à Deo accepta continentes, sine recognitione, atque approbatione Ordinarij, qui in ijs recognoscendis, Theologos, aliosque pios, ac doctos viros in consilium adhibeat, & ne deinde fraus, aut error, aut aliquid novum, ac inordinatum in re tam gravi committatur, negotium instructum ad Sedem Apostolicam transmittat, eiusque responsum expectet. Revelationes verò, & miracula, aliaque beneficia suprascripta, quae in libris horum hominum vitam, & gesta continentibus, hactenus sine recognitione, atque approbatione huiusmodi impressa sunt, nullo modo approbata censeri vult, mandatque Sua Sanctitas.

Ad horum hominum sepulchra vetuit, etiam, ac inhibuit, tabellas, atque Imagines ex cera, aut argen-

to, seu ex alia quacunque materia, tam pictas, quam fictas, atque exculptas, appendi, seu affigi, & lampades, siue alia quaecunque lumina accendi sine recognitione ab Ordinario omninò prout supra facienda, Sedique Apostolicæ referenda, ac probanda.

Declarans, quod per suprascripta præiudicare in aliquo non vult, neque intendit ijs, qui aut per communem Ecclesiæ consensum, vel immemorabilem temporis cursum, aut per Patrum, virorumque Sanctorum scripta, vel longissimi temporis scientia, ac tolerantia Sedis Apostolicæ, vel Ordinarij, coluntur.

Vt autem præmissa diligentius obseruentur. Vniuersis, & singulis, tam Ordinarijs, quam hereticæ prauitatis Inquisitoribus districtè præcipit, ut in sua quisque Diœcesi, vel Prouincia sedulò peruigilet, ne sine approbationibus prædictis, Imagines cum memoratis signis exponantur, aut miracula, reuelationes, ac beneficia prædicta publicentur, aliauè contra superius disposita, fiant. Transgressores verò, si regulares fuerint, priuationis suorum officiorum, ac vocis actiue, & passiuæ, necnon, & suspensionis a diuinis: si verò Clerici seculares, priuationis pariter suorum officiorum, suspensionis à diuinis, & ab administratione Sacramentorum, executioneque suorum Ordinum respectiue, alijsque arbitrio prædictorum Ordinariorum, seu Inquisitorum pro modo culpæ infligendis pœnis plectendo. Qui autem libros impresserint, aut Imagines pinxerint, sculpeserint, seu

5

seu quoquomodo effinxerint, vel formauerint, ceterique Artifices circa præmissa qualitercunq. delinquentes, prædicta omnia amittant, Et insuper pecuniarijs, alijsq. etiam corporalibus pænis, iuxta criminis grauitatem eorundem Ordinariorum, seu Inquisitorum arbitrio afficiantur. Contrarijs quibuscunq. non obstantibus.

Et nè præmissorum ignorantia possit ab aliquo prætendi, voluit, vt Decretum huiusmodi, seu illius exemplum ad valuas Basilicæ Principis Apostolorum Urbis, ac in Acie Campi Floræ affixum omnes proinde arctet, atque afficiat, ac si unicuique personaliter intimatum fuisset, quodque præsentium transumptis, etiam impressis manu Notarij publici subscriptis, ac sigillo alicuius personæ in Ecclesiastica dignitate constitutæ munitis, eadem prorsus fides habeatur, quæ præsentibus haberetur, si forent exhibitæ, vel ostensæ.

Postmodum verò idem Sanctiss. D. N. à quibusdā reuocari in dubium accepit, an Tabellas, Et Imagines, quas in posterum offerri contigerit recipere, Et antea oblatas conseruare liceret, Sanctitas Sua, quæ tantummodo voluit occurrendo abusibus, qui irrepere videbantur, certiore viam ad eorum in terris gloriam, quorum Sanctimoniam diuina clementiæ placuerit admirandis operibus illustrare, re prius cum Illustriss. Et Reuerendiss. DD. Cardinalibus contra hereticam prauitatem Generalibus Inquisitoribus communicata præsentis Decreto declarauit. Quod sicut nunquam prohibuit

6
buit, nec sua intentionis fuit prohibere oblationem, re-
ceptionemque Tabellarum, & Imaginum huiusmodi,
ita, ut nulli deinceps hesitationi locus relinquatur, sta-
tuit in presentiarum, & decernit, ut quoties ad ali-
quam Ecclesiam, aut Oratorium, locumue alium pu-
blicum secularem, seu regularem Tabellas, & Im-
gines, aliudue simile quispiam detulerit, ac intercessione
hominum inter Sanctos, vel Beatos non ascriptorum,
quamuis cum martyrij, vel sanctitatis fama demor-
tuorum, optata, se impetrauisse dixerit, liceat Ecclesia-
sticis personis Ecclesiarum, locorumue predictorum cura
Prepositis, Tabellas, & Imagines, siue pictas, siue ex
quavis materia factas, atque alia quaecunque collatae
gratie fidem facientia simul cum deferentis, aliorumq.
qui consocij fuerint attestacionibus recipere, atque appro-
bantibus Ordinarijs ad quos referre statim omnia te-
neantur in secreto aliquo, seorsum ab Ecclesia, loco cu-
stodire, ibidemque iam amota collocare, & asseruare,
ut si quando Dominus talium virorum merita Beati-
ficationis, seu Canonizationis honore in terris decorare
voluerit; extent huiusmodi sanctitatis qualescunque
probationes, Apostolicae Sedis iudicio tunc examinanda.
Contrarijs quibuscunque non obstantibus.

Io. Antonius Thomasius S. Rom. & uniuers. Inquisit. Not.

Anno 1625. Indictione octaua, Pontificatus S. D. N. V R B A N I Diuina
Prouidentia Papae VIII. die vero 30. mensis Octobris supradictae litterae,
sive Decretum affixum, & publicatum fuit ad valuas Principis Apostolo-
rum Urbis, ac in acie Campi Florae, ut moris est per me Brandimartem
Latinum Praelibati S. D. N. Papae Curforem.

Alia

7

Alia Decreta expedita per Breue

5. Iulij 1634.

VRBANVS PAPA VIII.

Ad perpetuam rei memoriam.

CAELESTIS Hierusalem Ciues, quorum glorio-
sis natalitijs sancta letatur mater Ecclesia, sicut
huius sanctae Sedis Apostolica ministerio à pijs utrius-
que sexus Christifidelibus venerantur in terris, ita Ro-
manum decet Pontificem militantis Ecclesiae regimini
diuina prouidentia prepositum pro suo precipuo honoris
Domus Dei zelo inuigilare, ne quid in personarum cum
sanctitatis, aut martyrij fama, vel opinione defun-
ctarum memoriam, siue cultum, inconsulta sanctae
Sede praedicta innouetur. Aliàs siquidem Nos soli-
cite animaduertentes abusus qui irrepserant, & irrepere
non cessabant in colendis quibusdam cum sanctitatis,
aut martyrij fama, vel opinione defunctis, qui etsi
neque Canonizationis, neque Beatificationis honore
insigniti essent ab eadem Sede, eorum tamen imagines
in Oratorijs atque in Ecclesijs, alijsque locis publicis, ac-
que etiam priuatis cum laureolis, aut radijs, seu splen-
doribus proponebantur, miracula, & reuelationes, alia-
que beneficia à Deo per eorum intercessionem accepta in
libris rerum ab ipsis gestarum enarrabantur, & ad il-
lorum sepulchra tabellae, imagines, & res aliae ad bene-
ficia

ficia accepta testificanda, & lampades, & alia lumina
 apponebantur, volentesque proinde huiusmodi abusibus
 pro debito officij pastoralis occurrere, re etiam cum Vene-
 rabilibus fratribus nostris S.R.E. Cardinalibus contra
 hæreticam prauitatem in vniuersa Republica Christia-
 na generalibus Inquisitoribus ab eadem Sede specialiter
 deputatis communicata, & maturè considerata, ac di-
 scussa, de eorundem Cardinalium consilio sub die xij.
 Martij 1625. declarauimus, statuimus, & decreui-
 mus, ne quorumuis hominum cum sanctitatis, seu
 martyrij fama (quantacunque illa esset) defunctorum
 imagines, aliaque præfata, & quodcunque aliud vene-
 rationem, & cultum præferens, & indicans in Ora-
 torijs, aut locis publicis, seu priuatis, vel Ecclesiis, tam
 secularibus, quàm regularibus cuiuscunque religionis,
 ordinis, instituti, Congregationis, aut Societatis appone-
 rentur, antequàm ab Apostolica Sede canonizarentur,
 aut Beati declararentur, & (si quæ appositæ essent) amo-
 uerentur, prout eas statim amoueri mandauimus. Ac
 pariter imprimi de cætero inhibuimus libros eorundem
 hominum, qui sanctitatis, siue martyrij fama, vel
 opinione, ut præfertur, celebres è vita migrauissent,
 gesta, miracula, vel reuelationes, seu quæcunque bene-
 ficia tanquam eorum intercessionibus à Deo accepta cen-
 tinentes, sine recognitione, atque approbatione Ordina-
 rii, qui in iis recognoscendis Theologos, aliosque pios, ac
 doctos viros in consilium adhiberet, & ne deinde fraus,

Apo-

9
aut error, aut aliquid noui, & inordinati in re tam gra-
ui committeretur, negocium instructum ad Sedem
Apostolicam transmitteret, eiusque responsum expecta-
ret, Reuelationes uero, & miracula, aliaque beneficia
supradicta, quæ in libris horum hominum vitam, ge-
staque continen. eatenus sine recognitione, atque appro-
batione huiusmodi impressa erant, nullo modo approbata
censeri uoluimus, mandauimusque. Ad horum homi-
num sepulchra uetuimus etiam, ac inhibuimus tabel-
las, atque imagines ex cera, aut argento, seu ex alia
quacunque materia tam pictas, quam fictas, atque
exculptas appendi, seu affigi, & lampades, siue alia que-
cunque lumina accendi sine recognitione ab Ordinario
omnino prout supra facienda, Sedique Apostolicæ re-
ferenda, ac probanda. Declarantes quod per suprascri-
pta preiudicare in aliquo noluimus, neque intendimus
ijs, qui aut per communem Ecclesiæ consensum, uel im-
memorabilem temporis cursum, aut per Patrum, uiro-
rumq. Sanctorum scripta, uel longissimi temporis scien-
tia, ac tolerantia prefata Sedis Apostolicæ, uel Ordina-
rii celebrantur. Cumque postea die 2. Octobris eiusdem
anni 1625. à quibusdam reuocari in dubium accepisse-
mus, an tabellas, & imagines quas in posterum offerri
contingeret, recipere, & antea oblatas conseruare liceret;
Nos qui tantummodo uoluimus occurrendo abusibus,
qui irrepere uidebantur, certiore parare uiam ad eo-
rum in terris gloriam, quorum sanctimoniam diuinæ

B

cle-

clementiæ placuerit admirandis operibus illustrare, re-
 prius cum eisdem Cardinalibus communicata de simili
 eorum consilio declarauimus, quod sicut nunquam pro-
 hibuimus, nec intentionis nostræ fuit prohibere oblatio-
 nem, receptionemque tabellarum, & imaginum huius-
 modi, ita ut deinceps nulli dubitationi locus relinqueretur,
 statuimus, & decernimus, ut quoties ad aliquam
 Ecclesiam, aut Oratorium, locumue alium publicum
 secularem, seu regularem tabellas, & imagines, aliudue
 simile quispiam deferret, ac intercessione hominum inter
 Sanctos, vel Beatos non adscriptorum quamuis cum
 martyrij, aut sanctitatis fama demortuorum optata se
 impetrauisse diceret, liceret ecclesiasticis personis Eccle-
 siarum, locorumue prædictorum curæ præpositis tabellas,
 & imagines siue pictas, siue ex quavis materia factas,
 atque alia quæcunque collatæ gratiæ fidem facien-
 tum deferentis, aliorumque qui conscii fuissent, attestati-
 onibus recipere, atque approban-
 Ordinariis, ad quos
 referre statim omnia tenerentur, in secreto aliquo seor-
 sum ab Ecclesia loco custodire, ibidemque iam amota
 collocare, & asseruare, ut si quando Dominus talium
 virorum merita Beatificationis, seu Canonizationis
 honore in terris decorare voluisset, extarent huiusmodi
 sanctitatis qualescunque probationes Apostolicæ Sedis
 iudicio tunc examinandæ. Demum vero, ut eiusmodi
 Decreta obseruarentur indubiè, ac omnimodam forti-
 tirentur executionem, cum eisdem Cardinalibus re pariter

ter

ter communicata, deque eorundem consilio præmissis addidimus, statuimus, decreuimus, atque declarauimus, ne ex tunc deinceps quispiam Ordinariorum, aut ab Apostolica Sede ad hoc specialiter delegatorum super aliquius utriusque sexus cum sanctitatis, aut martyrij fama, vel opinione defuncti miraculis, reuelationibus, alijsue eiusmodi sanctitatem redolentibus ex integro informationes quoquomodo reciperet, aut processum instrueret, vel huc usque receptas informationes, instructumue processum ulterius prosequeretur, nisi postulator prius per legitimas iuridicè susceptas probationes circa personam eius de cuius miraculis, reuelationibus, alijsue rebus gestis sanctitatem præferentibus ageretur, præscriptam in præfato nostro Decreto formam omnino seruata extitisse docuerit, & nisi postea successiuè idem Ordinarius, aut ab Apostolica Sede ad hoc specialiter delegatus diligenti præhabita disquisitione circa eandem personam supracitato Decreto nullatenus contrauentum esse, ritè pronunciauerit, utque id inuiolabiliter obseruetur, statuimus insuper, ac decreuimus ne transmissi ad Urbem undecunque huiusmodi processus à Congregationis Sacrorum Rituum Secretario, minusuè à sanctæ Fidei Promotore quomodolibet aperiantur, nisi prius in ipsa Sacrorum Rituum Congregatione, alio seiunctim oblato authentico processu, ex eo Ordinarium, aut ab Apostolica Sede specialiter delegatum, ritè, ac rectè ut præmittitur cognouisse, ac pronunciauisse prælibato Decreto nequaquã

contractum esse plenè constiterit, ac deinde à Nobis iudi-
 cialiter aperiendi eos processus facultas indulta fuisset.
 Insuper longissimum tempus, illiusue immemorabilem
 cursum de quo in prædicto Decreto, intelligi declaravi-
 mus esse tempus centum annorum metam excedens, de-
 que his, atque infra scriptis omnibus, quæ in his Decretis
 disposita, & ordinata sunt, aliqua suboriente difficultate,
 Ordinarijs locorum, & delegatis Apostolicis quibuslibet
 omnem omnino interpretandi facultatem ademitimus,
 utque Sedem Apostolicam desuper consulerent, ab eaq.
 responsum expectarent, mandavimus eisdem, & aliàs
 prout in Decretis desuper editis plenius continetur. Qua-
 re inviolabili Decretorum prædictorū observationi quan-
 tum cum Domino possumus consulere volentes Motu
 proprio, & ex certa scientia, ac mera deliberatione no-
 stris, deque Apostolica potestatis plenitudine, Decreta præ-
 dicta, cum omnibus, & singulis in eis contentis tenore
 præsentium perpetuò approbamus, & confirmamus, il-
 lisque inviolabilis Apostolica firmitatis robur adiicimus,
 omniaque, & singula Decreta huiusmodi ab omnibus
 ad quos spectat, & in futurum quomodolibet spectabit,
 observari omnino præcipimus sub pœna nullitatis qua-
 rumcunque informationum, processuum, ac interpreta-
 tionis aliter, quàm prævia suprascripta præcognitione
 instructorum, eorumque admissionis, publicationis, ac
 interpretationis, itaut earundem informationum rece-
 ptiones, processuumque instructiones, necnon eorum ad-
 mis-

missiones, ac publicationes, & interpretationes habeantur pro non receptis, non instructis, non admissis, non publicatis, non interpretatis, eorumque amplius ratio aliqua nullatenus alicubi unquam haberi debeat. Decernentes presentes litteras, & in eis contenta quaecunque etiam ex eo quod quicumque in premissis, seu eorum aliquo interesse habentes, seu quomodolibet habere pretendentes ad premissa vocati, & auditi, minusque cause propter quas eadem presentes emanarint, adducte, verificatae, seu alias sufficienter, aut etiam nullatenus iustificatae fuerint, nullo unquam tempore de subreptionis, obreptionis, nullitatis, & inualiditatis vitio, seu intentionis nostrae, aut alio quouis defectu etiam quantumvis magno, inexcogitato, & substantiali, siue etiam ex eo quod in premissis, seu eorum aliquo solemnitates, & quaevis alia servantur, & adimplenda, servata, & adimpleta non fuerint, aut ex quouis alio capite à iure, vel facto, aut statuto, vel consuetudine aliqua resultante, seu etiam enormis, enormissimae, & totalis lesionis, aut quocunq. alio colore etiam in corpore iuris clauso, seu occasione, vel causa, etiam quantumvis iusta, rationabili, & privilegiata etiam tali, quae ad effectum validitatis premissorum necessario exprimenda foret, aut quod de voluntate nostra huiusmodi, & alijs superioribus expressis seu relatis nihil ullibi appareret, seu aliter probari posset, notari, impugnari, inualidari, retractari, in ius, vel controversiam reuocari, aut ad terminos iuris

reduci

reduci, vel aduersus illas restitutionis in integrum, apertitionis oris, reductionis ad viam, & terminos iuris, aut aliud quodcunque iuris, facti, gratia, vel iustitiae, remedium impetrari, seu quomodolibet concedi, aut impetrato, vel concesso quempiam uti, seu se iuuare in iudicio, vel extra posse, neque ipsas praesentes sub quibusuis similibus, vel dissimilibus gratiarum reuocationibus, suspensionibus, limitationibus, aut alijs contrarijs dispositionibus pro tempore quomodolibet faciendis comprehendendi, sed semper ab illis exceptas, perpetuoque validas, firmas, & efficaces existere, & fore, suosque plenarios, & integros effectus sortiri, & obtinere, ac per omnes, & singulos ad quos spectat, & quomodolibet spectabit in futurum inuiolabiliter observari, sicque, & non aliter in praemissis omnibus, & singulis per quoscunque Iudices ordinarios, & delegatos etiam causarum Palatij Apostolici Auditores, & S. R. E. Cardinales, etiam de Latere Legatos, & Nuncios, & alios quauis auctoritate, & potestate fungentes in quauis causa, & instantia, sublata eis, & eorum cuilibet quauis aliter iudicandi, & interpretandi facultate, & auctoritate ubiq. iudicari, & definiri debere irritum quoque, & inane si secus super his a quoquam quauis auctoritate scienter, vel ignoranter contigerit attentari. Quòcirca Venerabilibus fratribus Patriarchis, Primatibus, Archiepiscopis, Episcopis, & alijs locorum Ordinarijs, necnon dilectis filijs nostris, & Apostolicae Sedis Nuncijs, ac haereticae prauitatis Inquisito-

sito-

sitoribus ubilibet existentibus per Apostolica scripta
 mandamus, ut statim atque presentes litteræ nostræ ad
 eorum, & cuiuslibet eorum notitiam peruenerint, in sua
 quisque respectivè diœcesi, vel provincia sedulò perui-
 gilet, ne sine approbationibus prædictis imagines cum
 memoratis signis exponantur, aut miracula, reuelatio-
 nes, ac beneficia prædicta publicentur, aliaue contra su-
 perius disposita fiant; transgressores verò si regulares fue-
 rint, priuationis suorum officiorum, ac vocis actiue,
 & passivæ, necnon suspensionis à divinis, si verò Cleri-
 ci seculares priuationis pariter suorum officiorum, sus-
 pensionis à divinis, & ab administratione Sacramento-
 rum, executioneque suorum ordinum respectivè, alijsque
 arbitrio prædictorum Ordinariorum, seu Inquisitorum
 pro modo culpæ infligendis pœnis plectendo. Qui autem
 libros impresserint, aut imagines pinxerint, sculps-
 erint, seu quoquomodo effinxerint, vel formauerint, cæterique
 artifices circa præmissa qualitercunque delinquentes præ-
 dicta omnia amittant, & insuper pecuniarijs, alijsque
 etiam corporalibus pœnis iuxta criminis gravitatem eo-
 rundem Ordinariorum, seu Inquisitorum arbitrio affi-
 ciantur. Contradictores quoslibet, & rebelles, ac præ-
 missis non parentes per sententias, censuras, & pœnas
 ecclesiasticas, aliaque opportuna iuris, & facti remedia,
 omni, & quacunque appellatione, recursu, & reclama-
 tione remotis compescendo, invocato etiam ad hoc si opus
 fuerit auxilio brachij secularis. Non obstantibus qua-

tenus

tenus opus sit rec. me. Bonifacij Papæ VIII. etiam prædecessoris nostri de una, & in Concilio generali edita de duabus dietis, cæterisque in contrarium facien quibuscunque. Ut autem præsentis, & in eis contenta quæcunque ad omnium notitiam deducantur, & ne aliquis de eis ignorantiam prætere possit, volumus pariter, & mandamus, quod eadem præsentis per aliquem, seu aliquos ex Cursoribus nostris ad Ecclesiæ Lateraneæ, & Basilicæ Principis Apostolorum de Vrbe, necnon Cancellaria Apostolicæ valuas, ac in acie Campi Floræ affigantur, & publicentur, & cum inde amouebuntur, earundem exempla in eisdem locis affixa dimittantur, quæ sic publicatæ, & affixæ post duos menses à die publicationis computandos, omnes, & singulos quos concernunt, perinde afficiant, & arctent, ac si unicuique illorum personaliter intimatæ, & notificatæ fuissent, quodque illarum transumptis impressis sigillo alicuius personæ in dignitate Ecclesiastica constitutæ munitis, & manu alicuius Notarij publici subscriptis, eadem prorsus fides adhibeatur, quæ præsentibus adhiberetur, si forent exhibitæ, vel ostense. Dat. Romæ apud S. Mariam Maiorem sub Annulo Piscatoris, die 5. Iulij 1634. Pontificatus Nostri Anno undecimo.

M. A. Maraldus.

Anno 1634. Indictione secunda, Pontificatus S. D. N. VRBANI Diuina Prouidentia Papæ VIII. die verò 5. Septembris suprascriptæ litteræ, siue Decretum affixum, & publicatum fuit ad valuas Basilicarum S. Ioannis in Laterano, & Principis Apostolorum Urbis, ac in acie Campi Floræ vt, moris est per me Alexandrum Latinum Prælibati S. D. N. Papæ Curs.

Pro D. Mag. Curs. Dominicus Mag. Curs.

VE-

VERVM quia aliqui adhuc super illis hæsitare non cessabant, idem Sanctiss. D. N. infrascriptas Declarationes, ac insuper alia Decreta inferius adnotata per nonnullos Eminentissimos, & Reuerendissimos DD. S. R. E. Cardinales, & RR. PP. DD. Romanæ Curiaæ Prælatos diligenter examinata fieri mandauit.

Imagines eorum, qui cum Sanctitatis, seu Martyrij fama obierunt, non apponantur in Altari publico, vel priuato, & multo minùs cum Diademate, laureolis, aut radijs, seu splendoribus, vel alio quocunque modo venerationem, & cultum præferente, & indicante. Hæ enim prohibentur apponi non solum in Altaribus prædictis, sed etiã in Oratorijs, vel Ecclesijs, aut locis publicis, seu priuatis quibuscunque, antequam à Sede Apostolica canonizentur, vel Beati declarentur.

Responsum, quod à Sede Apostolica in vim prædictorum Decretorum expectare debent Ordinarij locorum, vt imprimi possint libri continentes gesta, miracula, seu reuelationes eorum, qui cum prædicta fama Sanctitatis, seu Martyrij decesserunt, non detur, nisi cum infrascriptis protestationibus in dictis libris, & historijs inferendis. Declarando etiam expressè, quod tales libri, seu historiae, licet ab Ordinarijs reuisæ, & post Sedis Apostolicæ responsum approbatæ, non faciant

maiolem gradum probationis in ordine ad Canonizationem, seu Beatificationem, quam quæ aliàs absquè tali approbatione de iure fecissent, non obstante quocunquè longissimi temporis cursu.

Protestatio Auctoris in principio libri imprimenda.

Cum Sanctiss. D. N. **VRBANVS** Papa VIII. die 13. Martii anno 1625. in S. Congregatione S. R. & Vniuersalis Inquisitionis Decretum ediderit, idemq. confirmauerit die 5. Iulii anno 1634. quo inhi- buit imprimi libros hominum, qui Sanctitate, seu Martyrii fama celebres è vita migrauerunt, gesta, miracula, vel reuelationes, seu quæcunq. beneficia, tan- quam eorum intercessionibus à Deo accepta continentes sine recognitione, atque approbatione Ordinarij, & quæ hætenus sine ea impressa sunt, nullo modo vult censeri approbata. Idem autem Sanctissimus die 5. Iunij 1631. ita explicauerit, ut nimirum non admittantur Elo- gia Sancti, vel Beati absolute, & quæ cadunt super personam, benè tamen ea, quæ cadunt supra mores, & opinionem, cum protestatione in principio, quod ijs nulla adsit auctoritas ab Ecclesia Romana, sed fides tantum sit penès Auctorem. Huic Decreto, eiusque con- firmationi, & declarationi obseruantia, & reuerentia, qua par est, insistendo profiteor me haud alio sensu quic-
quid

quid in hoc libro refero, accipere, aut accipi ab ullo velle quàm quo ea solent, quæ humana dumtaxat auctoritate, non autem diuina Catholicæ Romanæ Ecclesiæ, aut Sanctæ Sedis Apostolicæ nituntur, ijs tantummodo exceptis, quos eadem Sancta Sedes Sanctorum, Beatorum, aut Martyrum Catalogo adscripsit.

Sequens verò in fine Libri.

LECTOR aduerte in Elogijs Virorum Illustrium quos hoc libro complexus sum nonnulla me obiter attingere, quæ sanctitatem ipsis videantur adscribere: perstringo nonnunquam aliqua ab ijs gesta, quæ cum vires humanas superent, miracula videri possunt: presagia futurorū, Arcanorum manifestationes, reuelationes, illustrationes, & si quæ sunt alia huiusmodi: beneficia item in miseros mortales eorum intercessione diuinitus; demum nonnullis sanctimonie, vel Martyrij videor appellatione tribuere. Verū hæc omnia ita meis lectoribus propono, ut nolim ab illis accipi tãquàm ab Apostolica Sede examinata, atque approbata, sed tãquàm, quæ à sola suorum Auctorum fide pondus obtineant, atque adeo non aliter, quàm humanam historiam. Proinde Apostolicum S. Congregationis S. R. & Vniuersalis Inquisitionis Decretum Anno 1625. editum, & anno 1634. confirmatum integrè, atque inuiolatè, iuxta declarationem eiusdem Decreti à Sanctiss. D. N. D.

URBANO Papa VIII. annō 1631. factam seruari
 à me omnes intelligant, nec velle me, vel cultum, aut
 venerationem aliquam per has meas narrationes vlli
 arrogare, vel famam, & opinionem sanctitatis, aut
 martyrij inducere, seu augere, nec quicquam eius exi-
 stimationi adiungere, nullumquē gradum facere ad
 futuram aliquando vllius Beatificationem, vel Cano-
 nizationem, aut miraculi comprobationem, sed omnia
 in eo statu à me relinqui, quem seclusa hac mea lucu-
 bratione obtinerent, non obstante quocunquē longissimi
 temporis cursu. Hoc tam sanctè profiteor, quàm
 decet eum, qui Sanctę Sedis Apostolicę obedientissimus
 haberi filius cupit, & ab ea in omni sua inscriptione,
 & actione dirigi.

Ego N. N.

Particularis Processus cum subsequenti pro-
 nunciatione Ordinarij, seu Apostolicę Sedis
 Delegati, sicut præcedere debet ex forma præ-
 dictorum Decretorum super cultu non adhibito,
 ita etiam præcedere debet, & ab eisdem respectiuē
 faciendus est, quando aliquis Postulator allegaret,
 se versari in vno ex casibus exceptuatis; nempe
 quod cultus fuerit adhibitus ex Indulto Summo-
 rum Pontificum, vel permissione Sacrę Congre-
 gationis, vel per communem Ecclesię consensum,
 vel per immemorabilem temporis cursum, aut
 per Patrum, Virorumquē Sanctorum scripta, vel
 lon-

longissimi temporis scientiā, atque tolerantia Sedis Apostolicæ, vel Ordinarij, vt semper appareat in primis fuisse satis factum supradictis Decretis.

Votiuæ Tabellæ, Imagines, & res aliæ ad beneficia accepta testificanda, quæ in secreto retineri mandantur, etiam in Sacrario custodiri permittuntur, secreto tamen, & eo modo, quo cultum, & venerationem non præferant.

Sub prohibitione facta Secretario Congregationis Sacrorum Rituum, necnō Sanctæ Fidei Promotori, ne aperiant processus vndecunque ad Curiam transmissos, nisi seruat a forma tradita in prædictis Decretis, comprehendi declaratur etiam Prothonotarium Apostolicum ad huiusmodi munus pro tempore destinatum, & alium quemcunq.

IN Causis Canonizationum, & Beatificationum propter earū grauitatem solet Sedes Apostolica procedere cum magna maturitate, & hoc vt melius adimpleatur, pro illis referendis, & discutendis mandauit Sanctissimus D. N. tres Congregationes de mensibus Ianuarij, Maij, & Septembris coram Sanctitate Sua fieri debere, prohibens agi de dictis Causis extra præfatas tres Congregationes, in quibus, vltra Cardinales Congregationi S. Rituum Præpositos, & Prothonotarium Apostolicum, Sacristam Sanctissimi, Promotorem Fidei, & Se-

& Secretarium eidem Congregationi assistentes, interesse debeant etiam illi Rotæ Auditores, quibus contigerit aliquam ex causis proponendis fuisse commissam; Et hi omnes præter Congregationis Secretarium, & Fidei Promotorem non admittantur in Cōgregatione priusquam Causæ fuerint per Cardinales propositæ, & postea eorum votis patefactis à Congregatione recedant, ad hoc ut Cardinales possint liberiùs examinare merita Causæ.

Consultores S. Rituum Congregationis debeant in qualibet ex dictis Congregationibus adesse præforibus Aulæ Pontificiæ, vbi Congregatio celebrabitur, ut si Sanctitati Sux placuerit illos audire super aliquo articulo, seu difficultate possint præsto esse.

Ad hoc ut in dictis Congregationibus coram Sanctitate Sua habēdis ordinatè, dilucidè, ac breuiter procedatur, in vnaquaque ex eis referantur per Cardinales tres, vel ad summum quatuor tantum Causæ, & saltem per quindecim dies antecedentes dictis Congregationibus coadunari debeat altera particularis S. Rituum Congregatio, vel plures (si opus fuerit) in Palatio antiquioris Cardinalis S. Congregationis Præpositi tunc temporis in Vrbe præsentis, in qua Cardinales ponētes Causarum concordato prius facto cum Promotore Fidei

dei, illoq̄ præsentato Sanctitati Suæ, ac transmissio Cardinalibus S. Congregationis, Prothonotario, Rotæ Auditoribus interesse debentibus, Sacristæ, & Consultoribus, referant Causas pro faciliore resolutione postea facienda coram Sanctitate Sua.

Quando propter alias urgentes occupationes non poterit Sanctitas Sua vacare alicui ex dictis Congregationibus, ut supra destinatis, mandavit, ut Causæ huiusmodi proponantur coram se in mense immediatè sequenti, & in die ab eo deputando, declarans suam voluntatem omninò esse, ut quolibet anno tres conuocentur Congregationes pro dictis Causis discutiendis.

Si in aliqua ex dictis tribus Congregationibus post discussionem, quæ erit diligentissimè facienda super vnoquoque processu circa illius validitatem, virtutes, ac miracula alicuius Serui Dei non supererit tempus Cardinalibus referendi statum, & merita alicuius causæ, poterit de ea agi, & ad expeditionem procedi per Cardinales in prima eorū Cōgregatione ordinaria immediatè sequenti post quamlibet ex dictis tribus Congregationibus, facta deinde relatione per Secretariū Sanctitati Suæ.

Idemq̄, seruari permittitur circa cognitionem, & examen miraculorum, quæ coram Sanctitate Sua erit referenda, si in aliqua ex dictis Congregationibus discuti, vel expediri non potuerit.

Per-

Permittit insuper Sanctissimus, vt in qualibet ex Congregationibus ordinarijs discutiatur, & terminentur omnia, & singula concernentia declaratione partitionis supradictis Decretis de cōsilio Cōgregationis Sanctissime Inquisitionis à Sanctitate Sua editis, aperitionem omnium, & singulorum processuum, deputationem, & subrogationem Iudicum, & in his similia, dummodo de resolutionibus habitis super prædictis fiat per dictum Secretarium relatio Sanctitati Suæ.

Iuramentum præstari solitum in Congregatione Sanctissime Inquisitionis sub pœna excommunicationis latæ sententiæ Sanctissimo reseruata, mandauit Sanctitas Sua, quod omninò præstetur tam per Cardinales Congregationis S. Rituum, & per duos familiares ab vnoquoq. eorum deputat, quàm per Rotæ Auditores, & vnũ pro quolibet eorum arbitrio eligeñ, pro videndis, & transcribendis scripturis necessarijs, & opportunis, ac etiã per Prothonotarium, Sacristam, Promotorem Fidei, & Consultores de non reuelandis his, quæ in prædictis Congregationibus tractabuntur, à qua excommunicatione Sanctissimus declarauit, & voluit nulli competere facultatem absoluendi, neque etiam maiori Pœnitentiario, sed Sanctitati Suæ, & successoribus dumtaxat, sub quo Iuramento, & pœna voluit etiam comprehendi omnes supra-

praenominatos, qui receptis literis cōmendatitijs, supplicibus libellis, aut alijs similibus officijs ortenus super dictis Causis, ea non reuelauerint Secretario Congregationis ad effectum deducendi ad notitiam Sanctitati Suæ.

Forma Iuramenti.

NOS iufraſcripti S. R. E. Cardinales Congregationis Sacrorum Rituum tactis per Nos Sacrosanctis Euangelijs coram nobis positis iuramus, & promittimus fideliter exercere officium noſtrum in his, quæ proponuntur in Congregationibus SS. Rituum habendis coram Sanctissimo, & non reuelare, nec loqui, niſi cum alijs dictæ Congregationis Cardinalibus, tribus antiquioribus Rotæ Auditoribus, Conſultoribus, & Officialibus prædictæ Congregationis, ac duobus familiaribus ab unoquoque noſtro deputandis, quæ fient, aut tractabuntur non ſolum in Causis ſpectantibus ad dictam Congregationem, ſed etiã in alijs ad illam non ſpectantibus in d. Congregatione coram Sanctitate Sua occasione diſcurſus de rebus Magnatum, Religionum, vel alias grauioribus occurrentibus, ſub pœna periurij, & excommunicationis latæ ſententiæ, à qua non niſi à Summo Pontifice dumtaxat (excluſo etiam Maiori Pœnitentiario) præterquam in articulo mortis, abſolui poſſimus, & ſub eadem pœna periurij, & excommunicationis, de qua ſupra, iuramus

D

ſimi-

similiter, & promittimus, quod si per literas, aut supplices libellos, siue etiam ore tenus, vel per interpositas personas cōmendationes à quocunque etiam cuiusvis dignitatis, & præeminentia nobis factæ fuerint de Causis pertractandis in dictis Congregationibus, prefatas literas scienter non aperiemus, sed clausas, & sigillatas mandabimus consignari in manibus Secretarij dictæ Congregationis: si verò non informati de contentis in prædictis literis contigerit per Nos aperiri, & legi, si eadem continebunt similes cōmendationes tantummodo, pariter eas transmittemus ad eundem Secretarium; Verùm si de alijs negocijs in prædictis literis pertractabitur, mandabimus transcribi illam tantum partem continentem cōmendationem, diem datæ, & locum, necnon etiam subscriptionem illius, qui negocium cōmendauit, quam peruenire curabimus ad manus prædicti Secretarij, atq. eisdem literis non rescribemus, nisi de mandato d. Congregationis, & saltem in ipso actu votandi pro palabimus à quo, vel à quibus Causa fuerit Nobis cōmendata. Et ita Nos prefati Cardinales promittimus, & iuramus, sic Nos Deus adiuuet, & hæc Sancta Dei Evangelia.

Idem Iuramentum præstabitur ab Officialibus, Rotæ Auditoribus, Consultoribus, & familiaribus mutatis mutandis.

SAN-

Sanctitas Sua expressè prohibuit S. Rituum Congregationi, ne deinceps procedat in Causis Seruorum Dei ad effectum Canonizationis, seù Beatificationis, aut declarationis Martyrij, nisi lapsis quinquaginta annis ab obitu illius, quini-
mò etiam lapsis quinquaginta annis de similibus Processibus tam factis, quàm faciendis agi vetuit, nisi habita priùs, & expressè obtenta licentia à Sanctitate Sua, vel eius Successoribus.

Sub Decreto huiusmodi vult comprehendi etiã Causas, in quibus modo reperiuntur expeditæ Literæ Remissoriales, & Compulsoriales, ac omnes aliæ nunc pendentes, quæ adhuc expectant perfectionem suam, & complementum à facto futuro finalis determinationis. Quod vt firmiùs obseruetur, insuper iubet, vt si memoriale super hoc directum Congregationi porrigatur cum rescripto Sanctitatis Suæ, vt aliqua ex huiusmodi Causis ad præfatos effectus examinetur, nullum sortiatur effectum, nisi in eodem rescripto specialis prædictæ prohibitionis derogatio reperiatur.

Verùm ne pereant huiusmodi dilationis occasione probationes, permittit Sanctitas Sua, non habita ratione dictorum quinquaginta annorum, vt agi possit de prædictis Processibus, siue de alijs, auctoritate Ordinaria fabricatis, vel fabricandis ad effectum deliberandi, an per Sedem Apostoli-

cam debeant cōcedi Literæ remissoriales in genere, quibus obtentis, & fabricatis super eis Processibus seruatis seruandis, illisq. Sacræ Rituum Congregationi præsentatis, permittit pariter Sanctitas Sua, vt in Sacra Congregatione discutatur de eorum validitate, ac etiam de releuantia in ordine, & ad effectum tantum cognoscendi, an sit procedendum ad Processus in specie. Et Processibus in specie completis, & Sacræ Congregationi delatis, videatur tantum de illorum validitate, quibus definitis, ijdem Processus per Secretarium claudantur, & obfignentur Sigillo Sacræ Congregationis, non aperiendi donec veniat plenitudo temporis dictorum quinquaginta annorum, quo completo nullo modo de eis agi possit, nisi expressè mandetur à Summo Pontifice.

IN PROCESSIBVS faciendis seruari solent omnia disposita in Ceremoniali, seu Rituali Romano sub Leone X. impresso, ac tradita per Hostien. & alios DD. in cap. 1. de reliq. & venerat. Sanctior. Nec prius Sedes Apostolica moueri solet, quàm Reges, Principes, & aliæ personæ authenticæ, & honestæ instanter supplicauerint Summo Pontifici, & tunc etiam non statim, sed expectare, quod diu pulsetur; nam si perdurabunt miracula, & supplicantium instantiæ, præsertim
spon-

spontaneæ, tunc Summus Pontifex (si ei videbitur) per Commissionem manu Sanctitatis Sux signatam, citato Promotore Fidei, committit causam Congregationi SS. Rituum, in qua in primis, & ante omnia cognosci debet de adimplemento dictorum Decretorum de consilio Congregationis Sanctissimæ Inquisitionis à Sanctissimo D. Nostro emanatorum.

Forma Commissionis Generalis.

BEATISSIME PATER Adeò hætenus aucta, in diesquè magis augetur fama Sanctitatis Serui Dei N. de N. una cum miraculis, quæ Omnipotens Deus eius meritis, & intercessione concedere dignatur, ut concepta in diuersis Mundi partibus, maximè verò N. N. erga eum deuotione, à plerisque in eorum necessitatibus inuocetur, & plurimorum etiam grauium Virorum existimatione Beatificationis, & Canonizationis honore dignus, intercedente infallibili S. V. iudicio reputetur. Ex quibus motus, piàq. intentione, ac particulari erga d. Seruū Dei N. deuotione ductus Sereniss. Rex N. (Aut alius Magnus Princeps N. vel plures Principes N. N. qui pro tali Beatificatione, vel Canonizatione instent) per suas literas instanter petijt S. V. ut ad eiusdem N. Beatificationem, & Canonizationem procedere dignaretur. Propterea cum iam sint confecti

Pro-

Processus auctoritate Ordinaria super sanctitate vite,
 Virtutibus, & Miraculis d. Serui Dei N., illique iam ad
 Urbem transmissi, ad effectum eosdem Processus presen-
 tandi in S. Rituum Congregatione. Pro parte deuoti
 S. V. Oratoris N. de N. Procuratoris specialiter in hac
 causa à prefato Serenissimo Rege N. ac etiã ab N. & N.
 (Quæ debent esse personæ authenticæ, & honestæ,
 nempe Vniuersitates, Capitula, Religiones, & si-
 miles) qui pariter eidẽ S. V. pro Beatificatione, & Cano-
 nizatione d. Serui Dei N. instantiam faciunt, constituti
 humiliter eidẽ S. V. supplicatur, quatenus dignetur cau-
 sam, & causas Beatificationis, et Canonizationis, necnõ
 cognitionem Virtutum, Morumque, & Miraculorum,
 ac publicæ fame sanctitatis d. Serui Dei N., Populorumq.
 erga ipsum deuotionis cum suis, & illarum incideñ, de-
 pendeñ, emergeñ, annexis, & connexis eidem S. Rituum
 Congregationi committere, & mandare, cum facultate
 in primis, & ante omnia aliquem ex Eminentiss. DD.
 Cardinalibus eiusdem S. Congregationis in causa Rela-
 torem deputandi, et Processum ad partes factum super
 obseruãtia Decretorũ à S. V. in Congregatione Sanctiss.
 Inquisitionis super nõ cultu editorũ (quatenus factus sit)
 recipieñ, aperieñ, & citato, & audito Fidei Promotore,
 discutiẽ, ex eodemque declarandi dictis Decretis suffi-
 cienter paritum fuisse (Quatenus verò dictus Proces-
 sus super obseruãtia dictorum Decretorum ad par-
 tes factus non sit) illius confectiõnem, si in Curia ade-

runt

runt probationes committent̄ Eminentiss. D. Cardinali S. V. Vicario, si verò extra Curiam, alicui Episcopo, ut ad eiusdem Processus ad partes confectiōem iuxta tenorem eorundem Decretorum deueniat, ad effectum illum postea in eadem Congregatione presentandi, & audito R. P. D. Fidei Promotore discutiē, & ex eo ut supra declarandi; factaque per eandem S. Congregationem declaratione supradiētis Decretis sufficienter paritum esse, eaquē post relationē S. V. per R. P. D. Secretarium Congregationis faciē, ab eadem S. V. approbata, ad Processuum auctoritate ordinaria confectorum, & coram ea legitimè presentandorum, aperitionem, discussionem, ac diligentem examinationem ad relationem Eminentiss. Cardinalis in ea deputati, audito pariter, & citato D. Promotore Fidei deueniendi, & si ex illis eidem S. Congregationi visum fuerit, & S. V. placuerit, posse ad generalem inquisitionem super eadem sanctitate Vitae, Virtutibus, & Miraculis Apostolica auctoritate deueniri, eidem Sacrae Congregationi pariter indulgere, & liberam facultatem concedere, ut aliquibus Episcopis Prouinciæ N. committere valeat, ut per se ipsos inquirent de fama, & deuotione Populi, de miraculis, & alijs denunciandis d. Serui Dei N. in genere tantum, & non in specie, & quoad famā, si vigeat de presenti, & ad hunc effectum aliquot articulos ad eosdem Episcopos, transmittat, super quibus, & super Interrogatorijs per Promotorem Fidei conficiē, debeant per ipsosmet, &

non alios, *Testes examinare cum interuentu Subpromotoris Fidei per eundem Promotorem in Curia nominandi,*
& cum potestate citandi, & inhibendi, etiam sub cen-
suris &c. & etiam per edictum &c. Cōtradiētores &c.
Inuocato &c. & alijs facultatibus opportunis. Quibus
peractis, ea, quæ inuenerint, fideliter rescribant, & Pro-
cessum huiusmodi ad eandem S. Cōgregationem sub sigillo
clausum per fidelem Nuncium transmittant cum ipso-
rum literis, in quibus significant, an eis videatur, quod
prædictis Testibus, & eorum depositionibus sit danda
fides, & quod super veritate eorundem sit in specie com-
mittenda inquisitio; quo Processu recepto, & per S. Con-
gregationem discussa, eadem S. Congregatio S. V. referat, quid
de eius releuantia sentiat ad effectum, ut S. V. statuere
possit, An sit deueniendum ad inquisitionem specialem.
Quod si S. V. ei locum esse iudicauerit, eidem Congrega-
tioni mandare, & iniungere, quatenus eisdem Episcopis
N. N. N. vel alijs Episcopis cōmittere valeat, ut veri-
tatem super d. Serui Dei N. fama, deuotione Populi, vite
sanctitate, puritate fidei, miraculis, & alijs à Sacris
Canonibus requisitis, exactè, fideliter, & prudenter se-
cundum articulos, & interrogatoria in Curia per Pro-
motorem Fidei danda, & illis transmittenda, in specie
inquirant, & iura, & monumenta exhibenda coram ipsis
recipiant cum interuentu Subpromotoris per eundem
Fidei Promotorem in Curia nominandi, & quicquid per
inquisitionem specialem huiusmodi inuenerint, suis sigillis
inclu-

inclusum cautè ad eandè S. Cōgregationē transmittant,
 ut deinde omnib⁹ maturè examinatis decernat, An Pro-
 cessus huiusmodi ad Rotæ Auditores sint transmittend⁹, ut
 forment rubricas, suamq. faciant relationem de his, quæ
 in dictis Processibus continētur absque tamen prolatione
 voti consultiui, alibi quam in S. Congregatione coram
 S. V. habend⁹, & eadem postea S. V. referatur, An talia
 sint, propter quæ ad Canonizationem dicti Serui Dei N.
 iuxta Sacrorū Canonum Decreta, & S. R. E. Ritus
 deueniri possit cum facultate literas Remissoriales, &
 Compulsoriales super præmissis citato d. fidei Promotore
 ad quascunquè mundi partes decernend⁹, & relaxand⁹ etiã
 in Curia; lura, & monumenta recipiend⁹. & si opus fuerit
 testes per Eminētiss. D. Card. Vicariū, seu Episcopos, &
 in loco ab eo deputand⁹. iuxta Decreta S. V. examinari
 facien. prævia citatione, & cum interuentu d. Promoto-
 ris, vel eius Subpromotoris super iisdē articulis, et inter-
 rogatorijs sub censuris, pænis, & alijs facultatibus ante-
 dictis, aliaquè omnia, & singula in præmissis, & circa
 ea quomodolibet, necessaria, & opportuna facien. geren.
 & exequen. Non obstant. Constitution. etiam in Uniuer-
 salibus, & Synodalibus Concilijs editis, & alijs ordina-
 tionibus Apostolicis, Regulis Cancellariæ, ceterisque con-
 trarijs quibuscunquè; statum etc. tenores etc. pro plenè &
 sufficienter expressis haben. etc.

Addendum, vel minuendum prædictæ Commit-
 sioni iuxta statum Causæ, & contingentiam facti,

E

vel

vel formandæ Commissiones particulares in vno quoque articulo (prout Sanctissimo videbitur).

Aduertendum est quod in omnibus actis citari debet in Vrbe Promotor fidei iuxta formam Breuis à Sanctissimo D.N. eidem concessi, & extra Urbem Subpromotor ab eodem Promotore deputandus.

Breue Promotoris Fidei.

VRBANVS PP. VIII.

DILECTE fili salutem, & Apostolicam benedictionem. Cupientes Causas Beatificationum, & Canonizationum Sanctorum eà, qua par est circumspectione tractari, ac de tua singulari pietate, doctrina, & Catholicæ Religionis zelo plurimum in Domino confisi, Te, qui nostræ Consistorialis Aula, & Fiscus, & Camera Apostolicæ Aduocatus existis, & quem, à quibusuis excommunicationis, suspensionis, & interdicti, alijsquè Ecclesiasticis sententijs, censuris, & pœnis, à iure, vel ab homine quauis occasione, vel causa latis, si quibus quomodolibet innodatus existis ad effectum presentium dumtaxat consequendi, harum serie absolui-
mus, & absolutum fore censemus, in Promotorem fidei, cum facultate quibuscumquè Congregationibus, quæ super Canonizationibus, & Beatificationibus huiusmodi
iam

tam coram Ven. Fratribus nostris S. R. E. Cardinalibus, quam etiam Nobis fient interueniendi, & in eis votum consultiuum ferendi, ac obiectiones super materiis pro tempore occurrentibus faciendi, & super eis tam in facto, quam in iure scribendi, & quando opus fuerit tam Nos, quam dd. Cardinales oretenus informandi, & cum hoc, ut tu deinceps in omnibus Processibus super dictis Canonizationibus, & Beatificationibus conficiendis, & in singulis actis faciendis tanquam pars formalis, & ad instar Commissarij Camere, & Fisci Procuratoris citari debeas, quodue tu interrogatoria cum protestationibus, que tibi videbuntur necessariae dare, & examinibus testium, & compulsationibus iurium, & scripturarum quarumcunque, confectionibus planctarum, visitationibus sepulchrorum, & alijs quibuscunque tam in Romana Curia, quam in qualibet alia parte Orbis Terrarum coram quibuscunq; Iudicibus, etiam Delegatis per te, seu per alium Subpromotorem, cum facultatibus, que tibi opportuna videbuntur a te deputandum interuenire valeas. Quodque Subpromotorem unum eligere possis, et deputare ad tuum beneplacitum in Romana Curia, qui Processus hucusque factos, vel alios infuturum faciendos, tam auctoritate Ordinaria, quam Apostolica videre, ac in facto scribere, et coparere possit in actis coram Notario, et Secretario d. Congregationis, et etiam coram dd. Cardinalibus ad concordandum factum super dubijs in Congregationibus proponendis, et alia faciendi nomine,

et arbitrio tuo, quæ tibi videbuntur opportuna, et necessaria, et cum quo etiam conferre possis difficultates, et alia omnia, quæ in dd. Congregationibus tractabuntur, recepto tamen prius à te, & ab eo solito iuramento de servando secretum et cum hoc insuper, ut tibi copia authentica Processuum factorum, ac omnium scripturarum producendarum, ac informationum faciendarum super dubijs tempore opportuno disputandis ad effectum ea videndi, et considerandi, eisquè obiectiones, et responsiones opportunas faciendi detur. Alioquin Tu propositiones impedire valeas, ac demùm cum omnibus, et singulis alijs facultatibus Promotoribus huiusmodi de Iure, usu, aut consuetudine competentibus Apostolica auctoritate tenore presentium deputamus. Mandantes propterea in virtute sancte Obedientie omnibus, et singulis, ad quos spectat, & pro tempore spectabit, ut te in Promotorem prædictum iuxta tenorem presentium recognoscant, ac decernentes presentes literas validas, firmas, et efficaces existere, et fore, ac omnibus, ad quos spectat, et pro tempore spectabit, inviolabiliter observari. Sic què per quoscunque Iudices Ordinarios, et Delegatos, etiam Causarum Palatii Apostolici Auditores et S. R. E. Cardinales, et Congregationes prædictas iudicari, et diffiniri debere, et irritum, et inane, si secus super his à quoquam quavis auctoritate scienter, vel ignoranter contigerit attentari. Non obstantibus Constitutionibus, et Ordinationibus Apostolicis, quibusvis etiam

iusra.

iuramento, Confirmatione Apostolica, vel quavis firmitate alia roboratis, Statutis, et consuetudinibus, Privilegijs quoque, Indultis, et Literis Apostolicis in contrarium premissorum quomodolibet concessis, confirmatis, et innouatis, ceterisque contrarijs quibuscunque.
Datum Romę apud Sanctum Petrum sub Annulo Piscatoris die undecima Ianuarij 1631. Pontificatus nostri anno Octavo.

M. A. Maraldus.

A tergo. Dilecto filio Antonio Cerro Aulę nostrę Consistorialis, & Fisci, & Camerae Apostolicę Aduocato.

Postquam verò fuerit declaratum esse satisfactum dictis Decretis, si Sacra Congregatio coram Sanctitate Sua habēda censuerit esse locum probationibus recipiendis, committit aliquibus Episcopis Patrię, Vicinię, seū Prouincię illius, qui petitur canonizari, vt inquirent de fama, de deuotione Populi, de miraculis, & alijs denunciandis in genere tantum, & non in specie.

Huiusmodi Literę Remissoriales (si fieri potest) dirigi omnino debent Episcopis, & non minus quàm tribus, ita vt duo saltem ex illis interuenire debeant in Processu conficiendo, & pro forma tradi debet, vt Testes primò examinentur iuxtà Interrogatoria per Promotorem Fidei ex officio danda, & in Literis inferenda: deinde super Articulis in eisdem literis includendis.

For-

Formula Literarum Remissorialium,
& Compulsorialium
in genere.

N. S. R. E. Cardinalis N. ac S. Rituum Congregationis Praefectus Vobis Illustr. & Admodum RR. DD. Episc. N. N. N. Iudicibus per Nos ad infra-scripta specialiter deputatis salutē in Dño, & in cōmissis obedientiā, ac Nostris huiusmodi, imò verius Sedis Apostolicae firmiter obedire mandatis. Noueritis quod aliās S. D. N. per specialem Cōmissionem huic Sacr. Cōgregationi directā, Causā Beatificationis, & Canonizationis Serui Dei N. de N. cōmissi tenoris infra-scripti videlicet (hīc ponatur tenor Commissionis) & coram eadem Sacr. Congregatione exhibitis Processibus auctoritate Ordinaria, seu ad perpetuam (ut dicitur) rei memoriam pluribus in locis confectis super Sanctitate vitae, virtutibus, & miraculis Serui Dei N. de N. unā cum supplicibus libellis Sanctiss. D. N. Urbano Papae VIII nomine N. N. N. porrectis, & ad eandem S. Congregat. ab eodem Sanctiss. transmissis, visis, & diligenter discussis, & examinatis huiusmodi Processibus ad relationem Eminentiss. & Reuerendiss. D. Cardinalis N. coram Sanctitate Sua in Congregatione ad id specialiter destinata communi omnium voto, & consensu praedictorum Eminentissimorum, & Reuerendissimorum-

simorum DD. Cardinalium censuit Eadem Congrega-
 tio, & decrevit, posse, si eidem Sanctiss. D. N. videa-
 tur ad generalem Inquisitionem quoad famam tantum
 per probationes deueniri, cui decreto Sanctiss. D. N. Vr-
 banus Papa VIII. annuit, ideòq; in executionem eius-
 dem decreti, ac vigore facultatis in præinserta commis-
 sione eidem Congregationi concessæ requisiti pro parte
 dd. Oratorum, quatenus pro examinand. testibus tam
 in Curia, quàm extrà degentibus, alijsquè in præinser-
 ta Commissione narratis proban. et verifican. oportu-
 nè providere dignaremur ad Dei gloriam, et S. R. E.
 exaltationem. Volentes igitur ea, quæ à Sanctiss. D. N.
 committuntur, et quæ in ipsa S. Congregatione statuta
 sunt, debitæ executioni, ut par est, demandare: Expo-
 sito Nobis in dicta Sac. Cōgregatione nonnullos testes in
 Ciuitate, et Diœc. N. nec nō in locis adiacentibus adesse,
 et reperiri de vita, sanctitate, et miraculis eiusdem Ser-
 ui Dei N. notitiam habentes. Considerantes etiam
 æquum, et iustum esse, Dei gloriam, quæ in suis seruis
 resplendet, manifestam fieri, præsentis literas ad Vos
 dirigendas sub hac forma censuimus. Quamobrem
 pro parte N. de N. Procuratoris in huiusmodi causa
 deputati, prout de eius legitimo mandato docuit, exhi-
 bitis nonnullis Positionibus, et Articulis continentibus
 vitam, mores, virtutes, et miracula prædicti Serui
 Dei N. illisquè per Nos admissis, Remissoriales, et Com-
 pulsoriales præsentis in genere dumtaxat, et non in spe-
 cie,

cie, et quoad famam tantum super premissis concessimus; Vosque in Iudices exequutores illarum tam pro examinandis testibus, quam pro extrahendis scripturis necessarijs ad prefatum effectum solummodo nominavimus, & constituimus. Idcirco vobis omnibus supradictis, de quorum fide, integritate, ac Religionis zelo, & perpetua, ac debita erga hanc S. Sedem Apostolicam obedientia plurimum in Domino confidimus auctoritate Ordinaria huius Sacr. Congregationis, & respectivè Apostolica, qua fungimur in hac parte per presentes committimus, & mandamus, ut Vos, vel duo adminus ex Vobis coniunctim, & simul, ac non aliàs, aliter, nec alio modo vice Nostra in singulis actibus procedentes, omnes, & singulos testes, literas, scripturas, instrumenta, monumenta, & alia quævis probationum genera, qui, seu quæ coram Vobis, seu duobus saltè ex Vobis simul, & coniunctim, ut supra produci, & compulsari contigerit à personis legitima mandata procuræ habentibus recipiatis, & iuxta interrogatoria à Promotore fidei hic in Curia data, ac super positionibus, & articulis in presentibus nostris contentis; quæ, & quos sub sigillo nostro inclusos, & inclusa transmittimus in calce presentium registrari in locis supra nominatis in Ecclesijs, aut Oratorijs, pijsquè locis, exprimendo semper locum loci, respectu verò infirmorum quibuscumquè alijs locis per Vos eligendis, seu deputandis pro Tribunali sedentes admittatis, receptoque prius in manibus vestris

ab

ab ipsis testibus cuiuscunque gradus, status, sexus, & conditionis etiam Sacerdotibus (exceptis Episcopis) existant, iuramento tactis Sacrosanctis Euangelijis coram Vobis ipsis positus, & non aliàs, aliter, nec alio modo, de veritate dicenda super ijs, super quibus examinabuntur, primò iuxta dicta interrogatoria, et deinde super positionibus, & articulis prædictis per extensum coram Vobis, siue duobus saltim coniunctim, ac coram fide digno Notario publico Apostolico, seu Ecclesiastico à Vobis similiter deputando, qui coram Vobis, seu duobus vestrum, & in manibus vestris solitum præstet iuramentum tactis Sacrosanctis Euangelijis de fideliter exercendo officium suum diligenter iuxta formam superius expressam, examinetis; hoc expressè seruato, quod testes in Ecclesiis, Oratorijs, pijsque locis, & in loco loci in iisdem deputato omninò interrogentur, eorumque dicta excipiantur: animaduertendo, ut iidem Testes quæcunque habent, explanatè, & per extensum deponant, nec se referant ad attestaciones aliàs redditas, neque eis recitentur, quæ alias ipsi deposuerunt, cetera verò processus acta in loco solite audientiæ conficiantur, ipsorumque Testium attestaciones, dicta, depositiones, necnon acta, citationes, & actitata quæcunque transcribi fideliter faciatis, necnon collationem, seu auscultationem supradictorum omnium per vos ipsos Iudices, vel saltem duos ex Vobis coniunctim adhibito alio Notario, qui etiam iuramentum præstet, ut supra, faciatis, omniaque clausa,

vestrisquè sigillis, aut duorum vestrum munita prævio
 priùs iuramento per fidelem Nuncium, seu Portitorem
 præstito ad nos transmitti curetis. Significantes nobis
 non solum generaliter quæ fides testibus desuper exami-
 natis sit adhibenda, sed etiam particulariter super his,
 quæ per eosdem Testes deposita fuerunt, & an in depo-
 nendo aliquid viderint, per quod reddatur suspecta eo-
 rum depositio, & an vobis videatur, quod ex prædictis
 possit deueniri ad specialem Inquisitionem. Decer-
 nentes irritum, & inane quicquid contra formam præ-
 sentis Remissoriae scienter, vel ignoranter fuerit execu-
 tum: Ut autem prædicta omnia, & singula liberiùs
 exequi valeatis, eadem auctoritate, qua supra, vobis
 committimus, & mandamus, ut Nuncium, seu Nū-
 cios pro citationibus faciendis, & alijs mandatis, &
 decretis vestris exequenẽ prævio priùs iuramento ab eis
 recepto de fideliter exercendo officium suum, deputare
 valeatis auctoritate nostra, eundemq. & testes præfa-
 tos, ut se examini subiiciant sub censuris, & pænis
 Canonicis, omni, & quacunque appellatione postposita,
 omnibus iuris, & facti remedijs oportunis cogere, &
 compellere valeatis, & eodem modo recusantes exhi-
 bere scripturas ad causam facientes compellere valea-
 tis, citato in omnibus actis D. N. Subpromotore Fidei
 per Promotorem in Curia nominato, & non alias, ali-
 ter, nec alio modo. Pro quibus omnibus exequendis ut
 supra vestram diligentiam, & curam, & qualem de
 vobis

vobis speramus fidem adhibere, atque in præmissis ita
 vos gerere studeatis, ut & gratiam ab hac S. Con-
 gregatione inire, & retributionem laboris vestri ab Al-
 tissimo pro Seruis suis consequi possitis. In quorum om-
 nium, & singulorum præmissorum testimonium præ-
 sentes manu nostra, necnon infra scripti Prothonotarij
 Apostolici de numero Participantium ad Acta Congre-
 gationis pro tempore deputati, & eiusdem Sac. Congre-
 gationis Rituum Secretarij, nostroq. solito sigillo muni-
 tas fieri, expediri, & relaxari mandauimus per Acta
 infra scripti Notarij eiusdem Sacrae Congregationis.
 Dat. Romæ in Palatio nostræ solite Residētiae Anno &c.
 Indictione &c. Die &c. Pōtificatus &c. præsentib⁹ &c.

POSITIONES, & Articulos infra scriptos dat, exhi-
 bet, & producit Procurator, & eo nomine N. Regis
 N. et N. ad docendū de fama, & deuotione Populi, &
 de miraculis, & alijs denunciañ, & super his in genere
 & non in specie, & quo ad famam tantūm Serui Dei
 N. & ad omnem alium bonum finem, & effectum,
 petens illos ad probañ admitti, literasquè de super oppor-
 tunas pro examinañ testibus ad Ciuitates, seu loca N.
 & N. & ubi opus fuerit, cōcedi, non se adstringens &c.
 ad onus superflua probationis, de quo expressè protesta-
 tur, non solum præmisso, sed & omni alio meliori mo-
 do &c. saluo iure &c.

In primis igitur repetit omnes, & singulos Processus,
 Instrumenta, Iura &c. in quantum tamen, & non

aliter &c. de quo &c. ex quibus credit satis abundè constare non solum de fama, deuotione Populi, & miraculis, & alijs denunciandis in genere, & quoad famam tantum, sed etiam in specie prædicti Serui Dei N. & his saluis possit, & quatenus opus sit probare vult, & intendit.

Hic inferendi sunt articuli concernentes locum vbi natus sit Seruus Dei, tempus, & Parentes, vitam & mortem illius.

Item quòd dictus Seruus Dei semper vixit cum fama sanctitatis, quæ continuauit, etiam post mortem, & nunquam diminuta fuit, sed potius aucta non solum in locis, vbi vixit, & mortuus fuit, sed etiam in alijs vicinis, & remotis, & quòd istud fuit, & est publicum, & notorium, & fuit, et est publica vox, & fama.

Item quòd eius corpus sepultum fuit in loco N. & Ecclesia N. & semper, ac continuo fuit ad illud venerandum magnus concursus populi, & aliorum exterorum ad illud confluentium propter famam, & opinionem sanctitatis illius, & quòd hoc fuit, et est publicum, et notorium, ac fuit, et est publica vox, et fama.

Item quòd in locis vbi vixit, et mortuus fuit, ac etiam in alijs semper dictus Seruus Dei habitus fuit in magna veneratione, et erga illum fuit maxima deuotio non solum illorum, qui in dictis locis habitabant, sed etiam aliorum exterorum, et quòd hoc fuit, et est publicum, et notorium, et fuit, et est publica vox, et fama.

Item

Item quòd fecit multa, et magna miracula non solum in vita, sed etiam post mortem, sanando infirmos ex omni genere infirmitatis, predicendo futura, et alia operando, quæ naturaliter fieri minimè poterant, et quòd istud fuit, et est publicum, et notorium, ac fuit, et est publica vox, et fama.

Item quòd de predictis omnibus non solum in dictis locis, ubi vixit, et mortuus fuit, sed etiam in alijs propinquis, et remotis, ac ubiquè locorum fuit semper, et nunc etiam est publica vox, et fama, et communis reputatio, quæ semper inconcussa, et constans fuit, ita ut nunquam aliquid fuerit dictum, vel auditum, aut factum in contrarium.

ANTONIVS CERRVS S. Consistorialis Aule, ac Fisci, et Camera Apostolicæ Aduocatus in omnibus Causis Beatificationum, et Canonizationum Sanctorum à S. D. N. per eius Breue dat. in Vrbe sub die 2. Ianuarij 1631. specialiter deputatus petit, et instat testes inducendos, et examinandos in causa Beatificationis, et Canonizationis Serui Dei N. tam in Vrbe, quàm extra, et ubiquè locorum, pro parte, et ad instantiã Adm. R. D. N. N. huius causæ Procuratoris, vel eius substitutorum super fama, et deuotione populi, et super miraculis, et alijs denunciandis, et super his in genere, et non in specie, et quo ad famam tantum Serui Dei N., ac deniquè super articulis in hac causa datis antequam super huiusmodi articulis examinentur præmissis

misso Iuramento tactis etc. et cum assistentia, et inter-
uentu Subpromotoris Fidei per eū nominati super infra-
scriptis Interrogatorijs fideliter, et separatim interrogari.

1 In primis seriò moneatur quilibet Testis quantum-
uis nobilis, et quacunque dignitate præditus de vi, et
importantia Iuramenti, et gravitate periurij, præsertim
in causis gravissimis, prout sunt istæ Canonizationum
Sanctorum.

2 Deinde interrogetur quilibet Testis, ut supra de
nomine, cognomine, patria, ætate, parentibus, exercitio,
seu professione, diuitijs, vel paupertate, et aliis circum-
stantiis ad eius personam, et conditionem spectantibus.

3 Item an sit confessus peccata sua, et Sacre Eucha-
ristiæ Sacramentum sumpserit, in qua Ecclesia à quo
Sacerdote, quibus presentibus, de quo mense, et anno
ultima vice id fecerit.

4 Vtius an fuerit unquam inquisitus, accusatus,
vel processatus de aliquo crimine, et quo, coram quo Iu-
dice, de quo anno, et an semel, vel pluries, et an secu-
ta sit absolutio, vel condemnatio, seu abolitio.

5 Similiter an ob aliquam causam fuerit unquam
excommunicatus, et quoties, et ex qua causa, et an fue-
rit absolutus, vel adhuc in eadem excommunicatione
permaneat.

6 Rursus an fuerit ab aliquo instructus quomodo
deponere debeat, et à quo, et quo loco, quibus verbis, et
de quo tempore.

7. Amplius an sciat in qua Prouincia, et Diœcesi sit Ciuitas N. si dixerit scire, illam exprimat, et dicat, an unquàm accesserit ad talem Ciuitatem, seu locum, et ob quam causam.

8. Insuper an cognoscat, vel audiuerit nominare N. si responderit illum cognouisse, dicat quomodo, et qua occasione, in quo loco, de quo tempore, et an fuerit ipsum unquàm alloquutus, et quoties, ac de quibus rebus, vel negotiis, et quibus presentibus, si uerò dixerit illum audiuisse nominare, dicat à quo, seu quibus, qua occasione, et ad quem finem, et effectum, et quoties id contigerit.

9. Præterea interrogetur, an sciat in quo loco, & loco loci d. N. vitam suam egerit, & qua fama, & reputatio fuerit de eius vita, & sanctitate in dicto loco, & an eadem fama, & reputatio fuerit etiam in alijs locis, & quibus, & an fuerit continua, vel interpellata, & per quantum tempus durauerit, & an fuerit communis reputatio omnium de illo loco, vel aliquorum tantum, & an ipse testis idem reputauerit, & tam ipse, quàm alij unquàm secus senserint, aut aliter alios sentire audiuerit.

10. Interrogetur quoquè, an sciat in quo loco, & loco loci, & quo tempore, & ex qua infirmitate dictus N. obierit, & an sciat ubi sit sepultum corpus eius, & an unquàm ipse accesserit ad eius sepulchrum, & audiuerit alios ad illud accedere, & an semel, aut aliquoties tantum, vel frequenter, & sæpius, & an fama foret, quod
 talis

talis accessus fieret, quia reputaretur pro Sancto, & intercedere posset pro ipso, & alijs, & dicat à quibus, & quoties audiuerit, & an audiuerit, an diminutus fuerit concursus, vel potius auctus, & quotidie augeatur ab eo tempore, quo incæpit.

11 Interrogari debebit, an audiuerit, quòd Populus habeat deuotionem erga d. N. si dixerit, quòd sic, dicat, qui populus fuerit, & an pars tantum, vel maior pars, aut totus populus, vnius tantum loci, vel plurium, & qui, et in quibus audiuerit consistere eorū deuotionem, à quo tempore dicatur incepisse, et an ab illo tempore audiuerit, quòd diminuta, vel potius aucta fuerit, et quotidie augeatur.

12 Interrogetur an dici audiuerit, quòd d. N. fuerit exactus obseruator mandatorum Dei, et Ecclesie, salutis animarum, et Dei gloriæ Zelator, amator virtutum, et laudabilis vitæ, et si dixerit audiuisse, interrogetur à quibus, quoties, et quibus in locis audiuerit.

13 Interrogetur an ipse sciat, quid sit miraculum, et explicet quid sit, et an audiuerit, quòd dictus N. quandoquæ fecerit miracula in vita, vel in morte, et à quibus, in quo loco, et loco loci audiuerit, et an fuerit communis reputatio, et fama, quòd dictus N. miracula fecerit, vel aliquorum tantum, et an alij reportarent contrarium, quòd miracula non fecerit, et quòd illa, quæ pro miraculis reputabatur, processerint ex medicamentis adhibitis, vel alia causa naturali.

14 Ultimo generaliter interrogetur circa famam, an sciat quid sit fama, & an illa viguerit in aliqua parte populi, an verò in maiori, an orta sit ex probabilibus causis, vel potius fuerit vanus rumor populi. An habuerit originem à personis nimis affectis, vel suspectis, et interessatis, puta coniunctis, vel affinibus, amicis intrinsecis, religiosis eiusdem Ordinis, vel alijs quibuscunque, qui ratione Ecclesie, in qua corpus reperitur, vel ob aliquam aliam causam aliquod interesse saltem affectionis habere possint. An persona, à quibus fama orta est, essent persone graues, et fide dignae, an potius leues, et ordinariae, puta mulieres, rustici, et alij idiotae, vel ignari. An huiusmodi fama fuerit constans, et perpetua, quae semper durauerit, vel breui, et per modicum tempus, et citò euanuerit. An contra huiusmodi famam fuerit unquam aliquid dictum, factum, vel auditum in contrarium. Denique, an huiusmodi fama viguerit non solum in loco, ubi dictus N. vixit, vel mortuus fuit, sed etiã in alijs locis, et in quibus, vel potius in alijs locis non autem in eo in quo vixit, vel mortuus fuit, vel è contra fuerit tantum in loco, in quo vixit, et mortuus fuit, non autem in alijs locis, et unde hoc processerit, quòd fama non fuerit in omnibus locis, et maxime in eo, in quo vixit, vel mortuus fuerit.

In hac prima Remissoria super inquisitione generali fieri solet magnum fundamentum, & meritò, quia si non probetur fama sanctitatis in lo-

co præsertim vbi mortuus fuit ille, pro quo instatur, concedi non debet Remissoria super inquisitione in specie, & propterea nunquam debet omitti hæc inquisitio in genere; Et est aduertendum, quod non prius conceditur Commissio inquisitionis specialis, quam sit absoluta omninò inquisitio in genere, super qua si Episcopi deputati vltra Processum, quem trasmittere debent, rescripserint Sacre Rituum Congregationi talia, per quæ videatur, quòd inquisitio committi debeat in specie super veritate eorundem, tunc proponi debet negocium in Congregatione haberi coram Sanctitate Sua ad effectum, vt Sanctitas Sua (si ei videbitur) requisito Consilio Cardinalium Congregationis possit definire, vtrum inquisitio specialis sit committenda, vel non; quòd si committenda videbitur, iterum erit committendum eisdem Episcopis, vel alijs, prout magis expediens iudicabitur, vt veritatem inquirant: Primo de fama: secundo de vita: tertio de miraculis exactè, diligenter, fideliter, & prudenter, secundum articulos transmittendos, & interrogatoria inferenda in Literis Remissorialibus mittendis clausis, & obsignatis Episcopis deputandis, qui Processum conficere debent citato Subpromotore Fidei nominando à Promotore Generali.

Formula Literarum Remissorialium, & Compulsorialium in specie

est eadem, quæ supra posita in genere, solum mutato verbo (genere) in specie, & ulterius in fine ante vers. Pro quibus omnibus exequendis, superadditur facultas visitañ Sepulchrum per infra scripta verba.

Insuper vobis Iudicibus prædictis ut supra committimus, & mandamus, ut pro finali complemento præmissorum, Sepulchrum, seu tumbam, in quo, seu in qua dicitur reconditum corpus dicti Servi Dei, & alias eius memorias adhuc existentes visitetis, atque aperiat, illudquè, & illas cum omnibus, & singulis suis circumstantijs, & qualitatibus recognoscatis, & describatis, recognosciquè, & describi faciatis, nec quivis alius cuiuscunque fuerit status, dignitatis, & conditionis, etiam Ducalis, Arciducalis, & Regiæ, Ecclesiasticæ, vel Laicalis Dignitatis aliquid in dicto Sepulchro, seu tumba ponere, vel ex eo, seu ea subtrahere, auferre, vel subijcere, etiam ex devotione audeat, vel præsumat sub pœna excommunicationis latæ sententiæ eo ipso auctoritate eiusdem S. Congregationis, de qua supra, incurrenda, à qua non nisi à Romano Pontifice possit absolvi, sed omnia prout in visitatione, & recognitione huiusmodi fuerunt inventa, eodem in statu, modo, & loco relinquatur, & in suo pristino statu reponantur. Actus

autem visitationis, & recognitionis huiusmodi res-
 Etu Sepulchri secretè fiat adhibitis tantùm ijs personis
 cum dicto Subpromotore Fidei, quæ vobis videbuntur
 pro testimonio ferendo de repertis, ut concursus Populi,
 & omnis occasio, vel offensionis, vel periculi evitetur.

Forma verò Articulorum hìc non ponitur, quia in
 qualibet causa debent exhiberi à Procuratore par-
 tis, super quibus Promotor Fidei debet formare
 Interrogatoria, cum eisdem articulis in Literis Re-
 missorialibus transmittenda, ut supra dictum est.

Est etiam observandum in executione vtriusq.
 Remissoriæ generalis scilicèt, & specialis, quòd iu-
 ramentũ præstetur tactis sacris Scripturis ab omni-
 bus Testibus, etiã Sacerdotibus, & Prælatibus, exceptis
 Cardinalibus, & Episcopis, quorum iuramentum
 sufficiat tacto pectore, & examen fiat in aliqua Ec-
 clesia, vel loco pio Deo dicato, nisi infirmitas Te-
 stis, vel alia vrgens necessitas aliud suadeat.

Nec prætereundum est, quòd in Commissioni-
 bus Summi Pontificis S. Rituum Congregationi
 directis apponi debet clausula, quòd quando erunt
 conficiendi Processus, & examinandi Testes in
 Curia, eadem S. Congregatio subdelegare debeat
 S. D. N. Papæ Cardinalem Vicarium, qui per se,
 seu ipso impedito per alios tantùm Episcopos, ab
 eo deputandos, capiat informationes necessarias
 cum interuentu Prothonotarij pro tempore Sacr.
 Ri-

Rituum Congregationi destinati.

Postquam verò per Episcopos Commissarios fuerit remissum ad S. Rituum Congregationem, & Secretario eiusdem consignatum sub sigillis clausum quicquid ipsi inuenerint in inquisitione speciali; si processus fuerint Serui Dei, qui infra quinquaginta annos obierit, videndum erit tantùm de illorum validitate, prout supra disponitur; si verò dicti Processus fuerint alicuius Serui Dei, qui supra quinquaginta annos decesserit, cognito prius in Congregatione, vt supra habenda coram Sanctissimo, An sint in statu, quo possint ad Rotam transmitti, tunc ad eandem Rotam transmittantur ad effectum cognoscendi de validitate, de virtutibus, & de miraculis, atque de eisdem Rotæ Auditores facere debent relationem Summo Pontifici, nisi S. Congregatio super præmissis pronunciauerit.

Rotæ Auditores, quibus Causæ fuerint cõmissæ, formare debent rubricas de ijs, quæ in Processibus continentur, non tamen in relationibus proferre eorum vota consultiua, quæ seruari debent aperienda in Congregationibus, vt supra faciendis.

IN Processibus faciendis illud maximè, & præcipuè obseruandum est, vt videatur exitus vite illius qui petitur canonizari, quoniã, cum (vt dici solet) exitus acta probet, si finis vite illustris, & sanctimo-

nia

nia plenus, & publica præsertim testificatione notatus, argumētum erit, quòd actiones antea actæ poterunt esse sanctæ, & ideo in formandis Articulis videndum est qualis fuerit vitæ exitus, & qualibus circumstantijs Sanctitatis sit munitus, nam in hoc Articulo magnum Causæ pondus consistit.

Magnopere etiam considerari debet antequam ad aliquos actus deueniatur, vt exploretur in loco vbi mortuus fuit, vel requiescit ille, pro quo petitur Canonizatio; Si ad præsens fuerit, & vigeat communis reputatio, & fama Sanctitatis, & vnde ortum habuerit; An sponte homines ad venerationem, an verò arte, & diligentia humana procuretur id exhiberi, quod non procuratum non exhiberetur.

Præterea illud etiam diligentissimè indagandum est, an ille, vel illa, pro cuius Canonizatione instatur, scripserit aliquos libros, tractatus, opuscula, meditationes, vel quid simile, nam si scripsisse constiterit, nõ prius est ad aliquem actum inquisitionis deueniendum, quàm tales libri diligenter in S. Congregatione examinentur, vtrùm contineant errores contra fidem, vel bonos mores, vel doctrinam aliquam nouam, & peregrinam, atquè à communi sensu Ecclesiæ, & consuetudine alienam.

Pro habenda certiori veritate Virtutum, sanctitatis vitæ, & miraculorum Seruorum Dei pro quorum

rum

rum Canonizatione instatur, mandauit Sanctissimus non deberi in futurum procedi ad Canonizationem alicuius, qui aliqua veneratione, vel titulo Beati sit decoratus, nisi prius in eadem Sacra Congregatione coram Sanctitate Sua fuerit iterum per Cardinalem in ordine ponentem facta plena, & distincta relatio non modo eorum, quæ in Processibus, & alijs scripturis continentur, & quæ illi per Summos Põtifices intuitu ipsius venerationis elargita fuerunt, verum etiam eorum, quæ superuenerunt post concessam eidem venerationem, de quibus constare possit ad hoc, vt ex prædictis omnibus valeat Summus Pontifex deliberare, An sit procedendum ad Canonizationem.

Idem obseruandum circa Processus fabricatos ante publicationem præsentium Decretorum, quia antequam ad vltiora deueniatur, docendum erit de partitione prædictorum Decretorum Sanctissimæ Inquisitionis, & videndum; An Processus fuerint per æquipollens sufficienter instructi, & ideo formandum erit Dubium; An sit procedendum ad vltiora.

Processus omnes in eadem S. Congregatione præsentati, sigillati, & clausi per Secretarium consignari debent Notario eiusdem Congregationis, deferendi ad Prothonotarium deputatum ad acta Canonizationum, per quem præcedente Decreto
S. Con-

S. Congregationis, & citato prius Promotore Fidei seruatifque seruandis aperiri debent.

Vt obuiaretur multis alijs abufibus fuit confcripta Epiftola particularis pro Nuncijs Apostolicis vbique degentibus, & alia circularis cum infertione infrascripti Decreti mittenda Patriarchis, Archiepiscopis, & Episcopis vltra, & citra montes.

Literæ pro Nuncijs.

Admodum illustris, & Reuerendissime Domine. Cum Sacra Rituum Congregatio matura habita consideratione iudicauerit, si Pontificij per Europam Nunciij se se ingerant in excipiendis inquisitionibus de integritate vite, virtutibus, atque miraculis Viri cuiuspiam cum aliqua sanctitatis fama defuncti facile futurum, ut progressionem temporis, presumpta palam opinione, videantur huiusmodi acta tanquam habere pondus Apostolica auctoritatis. Ideo Sacra eadem Congregatio (re prius ad Sanctissimum relata) censuit Dominationi tue in memoriam reuocandum, ne ullius omninò hominum rogatu impulsuè ducatur in posterum, ut apud tuum Tribunal, & ab alijs tua auctoritate suffultis, de huius generis rebus agi, atque inquiri permittat, nisi eadem Congregatio per Literas Remissoriales, & Compulsoriales, aut quavis alia ratione per te ipsū fieri debere specialiter significet; Et ne aliquis in tam graui negotio subrepat abusus,

iussit

iussit eadem Congregatio Amplitudinem tuam hac Epistola fieri certiore de ijs, quæ continentur in adiuncto Decreto, ut curet ab omnibus omnino observari. Sacra igitur Congregationis sensum libenter sequetur Dom. tua, quam interim Deus incolumem, prosperamquæ conseruet. Datum Romæ die 12. Martij 1631.

Amplitudinis tuæ.

Vti Frater.

DECRETVM.

CVM in tota Ecclesiæ gubernatione nihil maius, nihil sit augustius Beatificatione, & Canonizatione Sanctorum, ut potè homines iam demortuos, etiã cum fama sanctitatis, ac miraculorum declarare pro Sanctis, eosquæ uti tales colendos, & venerandos decernere.

Sacra Rituum Congregatio, ut res hæc planè amplissima, atque grauissima ritè, sanctèque conficiatur, prohibet omnibus, & singulis personis Ecclesiasticis, tam Sæcularibus, quàm Regularibus, etiam Sancti Ioannis Hierosolymitani, Societatis Iesu, vel aliorum quantumvis speciali nota dignorum, ne audeant ipsi per se, aut per alios capere informationes super sanctitate, aut miraculis alicuius defuncti, nequæ ullo modo exquirere, aut obtinere ad hunc effectum extraiudiciales testificationes, aut subscriptiones sub pænis arbitrio S. Congregationis infligend. Quod si superiori, Sacristæ, seu alteri

H

offi-

officiali illius Ecclesie, in qua requiescit corpus ipsiusmet defuncti, vel alterius etiam Ecclesie, fuerint reuelata aliqua miracula, seu prophetie dona, possint ea recipere sub sigillo secreti ab ipsis tantum relatoribus, in quorum gratiam contigisse narrabitur; teneantur tamen quam primum commodè poterunt, eadem deferre, vel ob signata transmittere Episcopo loci cum expressa declaratione, quòd reuelationes sic, ut supra recepte, non faciant aliquem probationis gradum, etiam cuiusuis longissimi temporis cursu.

Quod Decretum cum fuerit ad notitiam Sanctissimi D. N. VRBANI Papæ VIII. deductum, Sanctitas Sua illud approbavit, ac imprimi, & ubique publicari mandauit. Die

Literæ pro Patriarchis, Archiepiscopis, & Episcopis.

AD modum Illustris, & Reuerendissime Domine. Cum quotidie magis notum fiat quanta sinceritate mentis, & maturitate cognitionis incipere, & proficere deceat eorum causas, qui diem ultimum obiere, non sine aliqua populis relicta opinione sanctitatis, & quam accuratè, fideliterquè in re tanti momenti adhiberi testes & in examen vocari conueniat, Sacra Rituum Congregatio (facto prius verbo cum Sanctissimo) ne aliquis subrepat abusus, iussit Amplitudinem tuam hac peculiari

peculiari Epistola fieri certiore de ijs, qua in adiuncto
 Decreto continentur, nempe ut curet, ne in posterum
 ulla ex parte aduersus illud à quopiam in tua Diœcesi
 aliquid committatur, sed ab omnibus omnino inuolabi-
 liter obseruetur, & quando apud Amplitudinem tuam
 ab aliquo petatum fuerit, ut velit inquirere in sanctita-
 tem vite, & miracula alicuius, qui cum prædicta fa-
 ma obijse dicatur. Quoniam nimia plerumquè pro-
 cliuitas, atquè celeritas occasionem errori præbet, non
 prius generaliter super vite sanctitate inquiri permittat,
 quàm particulariter de alicuius virtutis eminenti gra-
 du, aut peculiari aliquo miraculo, præcedat fame com-
 probatio, prout prudentiæ tuæ magis expedire videbitur.
 Quod per te ipsum exequi Sacr. Congregatio summoperè
 exoptat; Sed si ob inuacuetudinem, siuè ob legitimum
 aliud, & graue impedimentum id conficere non ualebis,
 super quo conscientiam tuam onerat eadem Congregatio,
 poterit Amplitudo tua delegare Vicarium tuum genera-
 lem, uel aliū in dignitate Ecclesiastica constitutum, qui
 delegatus siuè ille sit Vicarius, siuè cuiuscumquè dignita-
 tis cum alijs ad minus duobus doctis uiris, altero sci-
 licet Magistro in Theologia, altero uerò graduato, uel
 lice antiato in Iure canonico, rem totam ita peragere de-
 beant, ut omnes sua nomina subnotent post subscriptio-
 nem cuiuscumquè testis, antequam discedant à loco ipsius
 examinis. Curabit insuper Amplitudo tua, ut testes
 omnes quæcumquè habent, explanatè, & per extensum

deponant, nec se referant ad attestaciones redditas nequè
 eis recitentur, quæ aliàs ipsi deposuerunt; Postquam
 verò fuerint per Amplitudinem tuam, vel per alios à te
 ex causis supra narratis subrogatos acta completa, secre-
 tò retineantur, præstito etiam iuramento à Notarijs, &
 testibus se nemini promulgaturos quicquid ipsi scripse-
 rint, & respectivè deposuerint, vel de quibus interroga-
 ti fuerint. De his autem actis per te, aut iussu tuo con-
 fectis certiozem statim reddere debebit Amplitudo tua
 Summum Pontificem, eaque quanto citius poterit au-
 thenticè transcripta, ac sigillo obsignata ad S. Rituum
 Congregationem transmittere. Originalia verò eodem
 modo consignata, & in capsâ clausâ pluribus clauibus,
 quæ diuersis ad arbitrium tuum custodiendæ tradantur,
 in Archiuio Patriarchali conseruentur. Notum tamen
 sit Amplitudini tuæ, nequè per hanc Epistolam, neque
 per aliquid in ea propositum voluisse Summum Pontifi-
 cem, neque Sacram Rituum Congregationem tribuere,
 aut augere iurisdictionem, seu facultatem, quæ aliàs
 Episcopis competere posset. Atque ut hæc literæ nulla in
 posterum obliuione deleantur, sed semper in recorda-
 tione vigeant, & tua, & tuorum deinceps successorum,
 dabit operam Amplitudo tua, ut ille quanto citius tam
 in Curia tua Patriarchali, quàm in Archiuio Capitulari
 ad perpetuam rei memoriam a seruentur Vale. Datum
 Romæ die 12. Martij 1631.

Amplitudinis tuæ.

Vti frater.

De-

Declarando per huiusmodi Decreta, & ordinationes non censi Ordinarijs aliquam nouam facultatem concessam, vltra eam, quæ de iure eis competit.

Postquam verò Apostolica Sedes apposuerit manum in aliqua ex prædictis Causis non poterit Ordinarius ampliùs in ea quoquomodo se intrmittere, nec etiam ad effectum conficiendi particularem Processum super cultu non adhibito, qui formandus erit per eum, cui per Summum Pontificem, vel per Sacram Rituum Congregationem huiusmodi facultas fuerit delegata.

Relationes Auditorum Rotæ, Informationes in Facto, & in Iure, & aliæ quæcunquè Scripturæ tractantes de Causis Beatificationum, & Canonizationum imprimi omninò prohibentur ante earundem Causarum terminatoinem.

Decreta super hac materia extendenda per Secretarium S. Congregationis concipiantur semper nomine Congregationis per verbum (*Videtur*) vel simile, seruata in vnoquoquè negocio suprema determinatione Summi Pontificis post factam relationem Sanctitati Sux.

Quando Cardinales Ponentes Causarum erunt absentes à Curia, pro interponendis Decretis necessarijs in causis huiusmodi poterit adiri Cardinalis Præfectus pro tempore Sacræ Congregationis

nis

n̄is, vt illa interponat pro Cardinali absente.

Promotor Fidei (vt melius huiusmodi Causæ in posterum discutiantur) teneatur in scriptis proponere difficultates eorum, quæ continentur in quolibet Processu.

Substituto Promotoris Fidei pro quolibet Processu ab eodem Substituto examinando, per Procuratores Causarum persoluatur stipendium decem ducatorum.

Sanctissimo D. N. sic annuente indultum est Prothonotarijs de numero participantium.

Primò, quòd in Processibus fabricandis, & præcipuè in examinandis Testibus super Martyrio alicuius Serui Dei hic in Curia omnino interuenire debeat R. P. D. Prothonotarius pro tempore S. Congregationis.

Secundò, quòd examen prædictum debeat esse subscriptum ab ipso D. Prothonotario, aliàs examen nullam faciat fidem.

Tertiò, quòd Notarius, qui examen prædictum recipiet in hoc actu ipsi Domino Prothonotario subordinatus censeatur, & reputetur.

Item mandatum est, vt declamationes de rebus profanis, & plerumquè de atrocioribus criminibus confectis, & imaginarijs, quæ fieri solebant in Consistorio publico ab Aulæ Consistorialis Advocatis, quando Legati Sedis Apostolicæ in eorum

red-

reditu ad Urbem excipiuntur in eodem Confistorio, vel quando per Summum Pontificem traduntur Plei Cardinalitij nouis Cardinalibus creatis, vel admittuntur Legati Principum ad præstandam obedientiam Sedi Apostolicæ, abrogentur omnino, & earum loco subrogentur propositiones Causarum Seruorum Dei, qui fama sanctitatis conspicui mereantur adscribi in numero Sanctorum, siue Beatorum, pro quibus poterunt instare apud Summum Pontificem Aduocati, petendo committi, prosequi, vel expediri respectiuè Causas arbitrio Sanctitatis Suæ.

Et facta per me Secretarium infra scriptum de præmissis omnibus relatione Sanctissimo cum interuentu R. P. D. Cerri Fidei Promotoris, Sanctitas Sua approbavit, abrogando ea, quæ his contraria existunt, & imprimi mandauit. Hac die xij. Martij 1642.

I. Card. Sacchetti.

Loco ✕ figilli.

Julius Cincius Secr.

63
restitu ad vobis expleantur in eodem Consi-
torio, vel ostendo per summum Pontificem in
dicitur Bala Cardinalis in hunc modum Cardinalibus
tis vel ad hunc modum Legatus hinc ad praesentem
dam obediunt Sedi Apostolicae, abrogantur
omnino & eorum loco hinc hinc hinc hinc
Cardinalibus hinc hinc hinc hinc hinc hinc
hinc hinc hinc hinc hinc hinc hinc hinc hinc
sue Beatorum, pro quibus poterat in hunc
summum Pontificem Avocari, petendo con-
mici, proleptum, vel ad hunc modum hinc
bitio hinc hinc hinc hinc hinc hinc hinc
Et hinc hinc hinc hinc hinc hinc hinc hinc
premissis hinc hinc hinc hinc hinc hinc hinc
eruenit R. P. D. Cardinalis hinc hinc hinc
tas sua approbant, abrogando ea, quae hinc
tatis existunt, et hinc hinc hinc hinc hinc
Martij 1642.

J. Card. Sacchetti.

1642. 16. Julij.

Julius Cinchus Jac.

BU
Biblioteca de Sa
3.30

UVA. BHSC.
BU 03302